

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 24. Zakona o ravnopravnosti spolova - Prečišćeni tekst („Službeni glasnik BiH“, broj: 32/10), a u vezi sa članom 5. Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe ("Službene novine Zeničko-dobojskog kantona", broj: 20/20 i 14/21), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 67. sjednici, održanoj dana 14.02.2025. godine, d o n o s i

ZAKLJUČAK

I.

Propisuju se kriteriji za izbor i imenovanje članova Interresorne radne grupe za izradu i praćenje implementacije Gender akcionog plana za osnaživanje ravnopravnosti spolova u Zeničko-dobojskom kantonu za period od 2025. do 2028. godine.

II.

Kriteriji iz tačke I. čine sastavni dio ovog zaključka.

III.

Zaključak stupa na snagu danom donošenja.

Broj: 02-_____/25
Datum, 14.02.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo za pravosuđe i upravu,
1x Ministarstvo zdravstva,
1x Ministarstvo za obrazovanje, nauku, kulturu i sport,
1x Ministarstvo unutrašnjih poslova,
1x Ministarstvo za boračka pitanja,
1x Ministarstvo finansija,
1x Ministarstvo za privredu,
1x Ministarstvo za poljoprivredu, šumarstvo i vodoprivredu,
1x Ministarstvo za prostorno uređenje, promet, komunikacije i zaštitu okoline,
1x Kantonalni zavod za pravnu pomoć,
1x a/a.

Na osnovu člana 24. Zakona o ravnopravnosti spolova – Prečišćeni tekst („Službeni glasnik BiH”, broj: 32/10), a u vezi sa članom 5. Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe ("Službene novine Zeničko-dobojskog kantona", broj: 20/20 i 14/21), a na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 67. sjednici, održanoj dana 14.02.2025. godine, utvrđuje

K R I T E R I J E

za izbor članova Interresorne radne grupe za izradu i praćenje implementacije
Gender akcionog plana za osnaživanje ravnopravnosti spolova u Zeničko-dobojskom kantonu
za period od 2025. do 2028. godine

Član 1. (Predmet)

(1) Predmet ovih kriterija je definisanje uslova i postupka za izbor članova Interresorne radne grupe za izradu i praćenje implementacije Gender akcionog plana za osnaživanje ravnopravnosti spolova u Zeničko-dobojskom kantonu za period od 2025. do 2028. godine. (u daljem tekstu: radna grupa).

(2) Ovim kriterijima utvrđuju se kvalifikacije, nadležnosti i odgovornosti članova radne grupe, kao i osnovne smjernice za odabir predstavnika relevantnih institucija i organizacija koje će biti uključene u izradu i praćenje implementacije plana.

Član 2. (Kriteriji za članove ispred organa uprave i upravnih organizacija)

(1) Kriteriji za članove radne grupe ispred organa uprave i upravnih organizacija Zeničko-dobojskog kantona utvrđuju se kako slijedi:

- a) Stalni radni odnos: član radne grupe mora imati zasnovan stalni radni odnos u organu uprave ili upravnoj organizaciji iz koje dolazi.
- b) Stručna sprema i obrazovanje: član radne grupe mora imati najmanje VII stepen stručne spreme ili visoko obrazovanje prema Bolonjskom sistemu studiranja, s najmanje 240 ECTS bodova.

(2) Za članove radne grupe ispred organa uprave i upravnih organizacija Zeničko-dobojskog kantona biraju se po jedan član iz svakog organa uprave ili upravne organizacije koja želi delegirati svog predstavnika.

Član 3. (Kriteriji za članove ispred nevladinih organizacija)

(1) Kriteriji za članove radne grupe ispred nevladinih organizacija s područja Zeničko-dobojskog kantona utvrđuju se kako slijedi:

- a) Članstvo ili zaposlenje u nevladinoj organizaciji: član radne grupe mora biti član ili zaposlenik nevladine organizacije koja aktivno radi na unapređenju ravnopravnosti spolova, te osnaživanju žena i drugih marginaliziranih grupa u Zeničko-dobojskom kantonu. Organizacija treba imati konkretne aktivnosti i projekte koji se odnose na promicanje rodne ravnopravnosti.
- b) Iskustvo u relevantnim stručnim tijelima: delegirani predstavnik nevladine organizacije mora posjedovati iskustvo u radu sličnih stručnih tijela, komisija ili radnih grupa koje se bave pitanjima ravnopravnosti spolova, uključujući izradu, praćenje ili implementaciju akcijskih planova, strategija ili politika vezanih za rodnu ravnopravnost i osnaživanje žena. Iskustvo u radu s akcionim planovima, zakonodavnim okvirima ili projektima koji promiču rodnu ravnopravnost bit će smatrano dodatnim kvalifikacijama.

(2) Za članove radne grupe ispred nevladinog sektora biraju se dva člana.

Član 4.

(Nadležnost i odgovornost radne grupe)

Nadležnosti i odgovornosti članova radne grupe utvrđuju se kako slijedi:

- a) Izrada i revizija Gender akcionog plana
- b) Praćenje i evaluacija implementacije
- c) Izvještavanje nadležnim institucijama
- d) Koordinacija s partnerima i interesnim grupama
- e) Osiguranje usklađenosti sa zakonodavstvom i strateškim dokumentima.

Član 5.

(Stupanje na snagu)

(1) Ovi kriteriji stupaju na snagu danom donošenja i bit će dostavljeni nadležnim resornim ministarstvima.

(2) Ovi kriteriji će biti sastavni dio javnog poziva koji će Ministarstvo za rad, socijalnu politiku i izbjeglice Zeničko-dobojskog kantona objaviti za nevladine organizacije.

Broj: 02-_____/25

Datum, 14.02.2025. godine

Zenica

PREMIJER

Nezir Pivić

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Ministarstvo za pravosuđe i upravu,
- 1x Ministarstvo zdravstva,
- 1x Ministarstvo za obrazovanje, nauku, kulturu i sport,
- 1x Ministarstvo unutrašnjih poslova,
- 1x Ministarstvo za boračka pitanja,
- 1x Ministarstvo finansija,
- 1x Ministarstvo za privredu,
- 1x Ministarstvo za poljoprivredu, šumarstvo i vodoprivredu,
- 1x Ministarstvo za prostorno uređenje, promet, komunikacije i zaštitu okoline,
- 1x Kantonalni zavod za pravnu pomoć,
- 1x a/a.